

太上靈寶元陽妙經卷之九

元

德行高貴品

爾時元始天尊告元陽真人言善男子善女人若有能修行供養元上元陽妙經得於十種功德不可思議聞者驚疑非隱非顯非去非來非生非滅非難非易非相非非相如是法相無有形貌世間所無何等為十種功德一者有五何等為五一者所未聞者而能得聞二者既聞玄妙能為利益三者能斷諸疑體於至理四者智慧之心質直無曲五者深

知元陽秘藏是為五事何等所未聞者而能得聞所謂甚深玄妙之義一切眾生俱得道性一切經法無有差別若有善男女至心願念所營在法究竟得入无上正真之通常住无變恒无懈退非有為非无為非有漏非无漏非色非不色非空非不空非名非不名非相非不相非有非不有非因非不因非果非不果非明非不明非聞非不聞非出非不出非常非非常非斷非不斷非過去非不過去非未來非不未來非因緣非不因緣如是等

法甚深甚妙甚玄甚奧昔所未聞而今得聞昔所未見而今得見所謂一切經書所謂一切方法所謂一切伎藝所謂一切科律如是等經昔未曾聞今於此經而得了悟復有三清秘要七部神圖如是深奧之義今因此經而得知之善男子善女人是名所未聞者而能得聞既得聞已是大利益若能讀誦受持具自然道意能具知一切方法大乘經典甚深義味譬如有人懸於明鏡見其色像曉了分明无有障蔽元陽寶鏡亦復如是真人執持得見元陽經典深奧之義亦如有人處於闇室執火炬火悉見諸物元陽法炬亦復如是真人執持得見元陽深奧之義亦如日出時谷有大光明悉能照朗令得一切遠見虛空是大元陽清淨慧日亦復如是照了幽冥深遠之處令一切眾生速見真道所以者何以能聽受是元陽上品妙經皆獲无上道果善男子若有至心讀誦元陽微妙經與得知一切諸法名諱通達玄義為他廣說開悟凡夫能知元陽諸法至理善男子其聽受者雖

知元陽經字不知元陽義理深妙若能書寫授持讀誦為人演說開導沉迷令知其義則能知其義是大利益增長法攝復次善男子聽此經者聞有道法未能得見至心願念即得悟解書寫讀誦為人演說尋思其義則得見之聽是元陽經者聞有神通未能得見發心願念至慕神仙作是念已便能知法具諸道意了達道源於諸天魔惡鬼虎狼毒獸怖畏之處得無所畏開示分別玉簡金文丹章紫字演說其義无有差違不從他聞而能自知无上正真道意是名聞已能為利益又復除疑心者疑有二種一者疑名二者疑義聽是經者斷除疑心思惟義者斷疑義心復次善男子疑有五種一者疑道虛空有指的不二者疑道恍惚是真常不三者疑道隱秘是真樂不四者疑道幽玄是清淨不五者疑道顯晦是實義不聽是經者則得永斷疑惑之心書寫讀誦為人演說思惟其義五疑永斷復次善男子疑有三種一疑无上正真之道為有為无二疑三十六部專經為有為无三

疑一切妙法為有為無聽是經者如是三疑  
永滅無餘者寫讀誦為他廣說思惟其義則  
能了知一切眾生悉有法性復次善男子若  
有眾生不聞如是元陽經典疑心甚多所謂  
如常不常如樂不樂如淨不淨如我無我如  
命非命如凡夫非凡夫如究竟不究竟如未  
來非未來若有若非有若若若若若若若  
非樂若道若非道若滅若非滅若法若非法  
若真若非真聽是經者如是諸惑悉能除斷  
復次善男子若有不聞如是經者復有種種  
眾生多有疑心所謂色是我邪受質相因識  
是我邪眼能見邪我能見邪乃至識能知邪  
我能知邪色受報邪我受報邪乃至識受報  
邪我受報邪色至他境邪我至他境邪乃至  
識亦如是生死之法有始有卒邪無始無卒  
邪聽是經者如是等疑亦得永斷復有人疑  
邪見犯四盟科作五逆罪毀謗道經如是等  
人有法性邪無法性邪聽是經者如是等疑  
悉得永斷復有人疑世間有際邪世間無際  
邪有十方法界邪無十方方法界邪聞是經者

如是眾疑亦能除斷是名斷疑惑之心復次  
善男子慈心正直元邪曲者若有疑則所  
視不正一切眾生若不得聞是元陽上品微  
妙經典所見邪疑乃至下仙悟道之人猶懷  
邪曲云何名為一切眾生所見邪曲於有漏  
中見常樂我淨於天尊所見元常若不淨無  
我見有凡夫壽命長短非有相處非無相處  
以為元陽之宮有八聖道有見斷見如是等  
見名為邪曲善男子善女人若得聞是大乘  
經典修行聖道則得斷除如是邪曲云何名  
為一切邪曲若復有人書寫讀誦為他演說  
通解其義則得正直無邪曲見善男子修如  
是元陽上品經典知此經微妙從元量劫來  
至心修行晨夕願念得入元上正真之道復  
次善男子能知元陽上品深密之義為他演  
說曉悟眾生悉能知道除謗法心盡惡逆罪  
然後得成元上正真道果是名甚深秘密之  
義復次善男子云何復名甚深之義雖知眾  
生實無有我而於未來不失業果雖知六情  
於此滅盡善惡之業終不敗亡雖有業根不

得作者雖有妙處無有去者雖有執縛無受  
縛者雖有劫濁終元滅者是名元陽德行高  
貴甚深秘密之義爾時元陽真人上白天尊  
言如向所說聞不聞義是義不然何以故道  
若有者便應定有道若無者便應定無無不  
應生有有不應滅無如我所聞是則為聞若  
不聞者則為不聞云何而言聞所不聞天尊  
若不可聞是為不聞若已聞者則便不聞何  
以故已得聞於道故云何而言聞所未聞見  
所未見譬如去者至則不去去則不至亦如  
生已不生亦如聞已不聞天尊若不聞聞者  
一切眾生未有道心即應有之未得尸解亦  
應得之未見法性應見法性云何復言真人  
雖有法性未得明了天尊若不聞者真人往  
昔曉悟從誰得聞若言得聞何故真人於天  
尊所復言不聞若其不聞真人何以得稟元  
陽之號若如是者一切眾生不聞經典亦得  
稟元陽之號不真人若當不聞如是經典見  
無上道者一切眾生不聞是經亦應得見元  
上正真道不天尊言是色者或可見或不可

見響亦如是或是可聞或不可聞是大變動  
 非色非聲云何而言可得見聞真人於是了  
 然驚悟言過去已滅則不可聞未來未至亦  
 不可聞見在聽時則不名聞聞已聲滅更不  
 可聞亦非未來過去見在若非三世則不可  
 說若不可說則不可聞云何而言真人修是  
 元陽妙經聞所不聞爾時天專歡喜讚歎元  
 陽真人及諸大衆言善哉善哉汝今深知妙  
 理洞達玄微一切諸法如幻如化如風如電  
 亦如泡沫芭蕉之樹空無有實非命非我無  
 有真相時大衆中條款之頃有大光明徧照  
 國境非青非黃非白非黑爾時大衆遇斯光  
 已身心快樂譬如真人初得道果爾時元陽  
 真人白天尊言今此光明從何而有天尊嘿  
 然不答元陽真人心懷戰懼逡巡不安叩頭  
 稽首瞻視靈顏敢諮問天尊以何因緣有  
 此光明照於大衆天尊嘿然不答爾時無鞅  
 數衆得空道士見此明明自相謂言今此光  
 明誰之所有天尊又復嘿然不說明律仙人  
 總持法東復白天尊以何因緣有此盛光徧

照虛空元有障蔽如是大衆自相諮問無能  
 曉者爾時元陽真人愍憫憐歎頭腦至地泣  
 淚和聲低心下意諸尊專願垂開示曉悟  
 來生天尊於是含笑告元陽真人曰如是先  
 明名為智慧智慧者即是真道真道之法無  
 有因緣云何有問有何因緣故有是光明是  
 光明者名為元陽妙法元陽妙法者則名為  
 真道真道之法不從緣生云何仙人疑問何  
 因緣故有是光明是光明者即是元始智慧  
 元始智慧者即是真道之法不從緣生云何  
 道士問於因緣光明者名為大慈大悲大慈  
 大悲者名為元陽真道元陽真道之法者不  
 從緣生云何仙人問於緣生光明者即是思  
 真念道思真念道者是名真道之法不從緣  
 生云何仙人問於因緣光明者即是一切學  
 道之人吞精咽氣吐納服御之法即名真道  
 真道之法不從因緣云何仙人問於因緣光  
 明者即是元陽上品法燈  
 天尊言真人汝今莫入諸法羅織之義我今  
 於此東方恒河世界名曰不動之處國土細

平光有沙磧其地七寶莊嚴元有溝坑其諸  
 樹木華果茂盛元時不有若有衆生聞其華  
 香身心清淨曉悟大乘譬如仙士獲於道果  
 復有一大河水其水香美八味具足若有衆  
 生在中浴者皆得清淨了然悟道其河有種  
 種之華種種之香一切衆生聞其華香皆得  
 清淨釋然悟道復有無量虎狼獅子諸惡鳥  
 獸其心相視猶如赤子彼世界中一切衆生  
 無有犯負之者毀謗道法及有惡逆等罪其  
 土調適元有瘴癘煩惱貪欲嫉妬之人元有  
 日月晝夜時節猶如龍漢之運其土人民聰  
 明正直元有憍慢之心一切衆生皆悉悟道  
 具大功德其心悉皆專重正法修於大乘愛  
 樂大乘思念大乘護惜大乘功行成遂得大  
 總持心常憐愍一切衆生復有達解真人光  
 妙音深曉元陽正教調御天人師隨其處所  
 宣告衆生無不得聞為十方至真大聖衆講  
 說如是大乘經典善男子及諸眷屬若能修  
 行大乘元陽妙經所不聞者皆能得聞元上  
 聖道西方去此二十恒河沙國土彼有世界

名曰大堂國土多有山陵岡阜沙磧荆棘周徧充滿其土人民常有飢渴四時苦惱恒無歡泰為其愚癡不能恭敬求於正道貪著非法之緣於非法緣中習行邪法不信正道壽命短促常行奸詐王法持之王雖有國不知滿足於他所有生貪利心與兵相伐枉死者衆國王尋行如是非法諸天神祇心無歡喜故降災旱五穀不登人民飢餓多有疾病國土不寧達解真人先妙音調御天人師愍念衆生遊行世界於其國土化作七寶香林種種莊嚴種種神變種種奇麗與諸總持大聖獨步仙人演說元陽上品妙經開發衆生令解智慧歸依无上正真之道其土人民聞說是經各各驚疑人人嗟訝以何因緣忽聞聖人微妙經典從而來我今歡喜得遇真道爾時達解真人先妙音與七千四百真仙眷屬俱持幡蓋華香種種伎樂種種莊嚴供養之具至於極樂土中窠林寶樹之間已用所持供養之具供養元始天尊稽首恭敬左繞三匝恭敬已畢却退一而天尊問達解真人

光妙音及諸善男子等汝為至來為不至來真人先妙音白天尊言至亦不來不至亦不來我觀此義都無有來天尊諸行若常亦復不來若是无常亦无有來若人見有衆生性者有來不來我今不見衆生定性云何當言有來不來有輕慢者見有去來无輕慢者则无去來有取行者見有去來无取行者則無去來若見真人畢竟无上道者則有去來不見真人畢竟无上道者則无去來不聞道性者則有去來聞道性者則無去來若見狐疑下仙之人則无去來若見真人无常樂我淨則有去來若見真人有常樂我淨則无去來天尊且置斯事敢有諮問願垂哀愍少見聽許天尊言善男子隨汝所問今正是時我當為汝次第分別一一解說曉悟諸疑所以者何諸法難見千載因緣有過靈文三清七部何由可見汝等應當精進專心聽受爾時達解真人先妙音元陽真人等既蒙聽許兼被教戒即白天尊言云何真人有能修行元陽上品聞所不

聞爾時天尊答言善哉善哉善男子汝今受持元陽妙經復值我能善為講說汝今有所疑滯我為大醫王為汝剖判深疑汝於道性猶未明了我有法炬能為照明明汝今欲濟煩惱大河我能為汝作舟楫汝於我所生父母想我亦於汝生赤子心汝心今者貪正法實諦聽諸善思念之吾當為汝次第開張使无疑滯真人善男子欲聽法者今正是時若得聞法當生恭敬至心請誦專重正法於其法所莫求其過莫貪貪欲瞋恚癡莫觀法師縱性行惡既聞經已莫生輕慢莫為貪求名譽利養當為度世甘露法藥莫生憎愛起於疑心我聽法已先自度身然後濟人先自悟身然後悟人先自安身然後安人於道法之中應生念想於生死中生大菩提於道法之中應生常樂我淨之想當為大乘莫為小見於一切法當無所住亦莫專執一切法相於諸法中莫生貪想當生知法見法之想善男子必須精進讀誦如是經典則能永出生死苦海登於慈善之岸汝宜遵奉不得起

疑感之心真人光妙者稽首禮問元始天尊  
 言有漏之法若有生者為是常耶是無常耶  
 生若是常有漏之法則無有生生若無常即  
 有漏是常天尊若生自生生无自性若能生  
 他以何因緣不生無漏天尊若未生時有生  
 者云何於今名為生若未生時无生者何故  
 不說虚空為生耶於是天尊告諸大衆善哉  
 善哉善男子深達法相具了道源不生不生  
 可說生生亦不可說生不生亦不可說不生  
 生何以故以修通得故云何生亦不可說以  
 生无故云何不生不可說以有得故云何有  
 因有因緣故亦得說十因緣法為生作因以  
 是義故故亦可得說善男子汝今莫入甚深  
 空定何以故大衆鈍故善男子有為之法生  
 亦是常以住无常生亦无常住亦是常亦生  
 生故住亦无常以本無今壞亦无常善男子  
 以性故生皆悉是常念滅故不可說常是  
 正真之道能除滅故名无常善男子有漏之  
 法未生之時已有生性故生能生無漏之法  
 本無生性是故生不能生如火有本性遇緣

即發眼有見性因色乃明故見一切衆生  
 法亦復如是由其有性遇感因緣父母和合  
 便則有生爾時速解其人光妙者元陽其人  
 及七千四百萬衆聞是經已心懷踴躍恭敬  
 慇懃叩頭稽首齊執玉板啟問元始天尊言  
 今蒙教誨宣暢泠然无陽秘藏始得悟解聞  
 所不聞亦令七千四百萬衆深解諸法不生  
 生等天尊我今已解斷諸疑網然此衆中有  
 一真人名曰真定光復欲諮問唯願垂許爾  
 時天尊告真定光善男子隨意問難吾當為  
 汝分別解說於是真定光與諸徒衆俱從座  
 起更整衣冠長跪稽首而白天尊言此土衆  
 生當造何業而得生彼不動世界其土真人  
 云何而得智慧成就人中之尊有大威德具  
 修諸行利智捷疾聞則能解爾時天尊而說  
 偈言  
 一切諸衆生 皆含至道性 若能受妙經  
 即登常樂淨 布施及衆生 救濟諸貧病  
 斷除疑惑心 調和於識鏡 思念元陽經  
 晨夕常歌詠 從容出九天 逍遙登八正

善神相擁護 天真悉暉映 既得離三災  
 復能超九橫 書寫及受持 當須勤苦行  
 憐愍善男女 咸使終天命 輪轉成高真  
 因緣偶賢聖 今日得苦空 永息於馳競  
 天尊說此偈已一切時衆咸皆醒悟更无疑  
 滯爾時元陽真人真定光白天尊言我今已  
 知所造業因得生彼國是元陽高貴之品憐  
 愍一切衆生上所諮問天尊演此妙法則能  
 利益安樂人天爾時天尊即告元陽真人善  
 哉善哉善男子汝今於此當須至心聽吾分  
 別一一解說有因緣故未至不至有因緣故  
 不至不至有因緣故至善男子夫不至至者是  
 大元陽高貴之品凡夫未至以有貪欲瞋恚  
 愚癡故身口意業不清淨故及受一切不淨  
 物故犯五逆罪謗真善法故是義故未至不  
 至善男子夫不至至者以無貪欲瞋恚愚癡  
 身口惡故不受一切不淨物故不犯四重故  
 不謗無上道故不作邪疑心故不作五逆罪  
 故以是因緣名不至善男子以何因緣故  
 名不至不至者名為二十五有一切衆生常

為元量煩惱諸結之所覆蔽往來不捨猶如輪轉是名為至為欲濟度諸眾生故示現在中亦名為至善男子何因緣故名為至至者即是二十五有一切凡夫煩惱因緣故名至至善男子聞所不聞亦復如是有不聞聞有不聞有聞聞云何不聞聞善男子不聞者名大元陽之品何故不聞非有故非音聲故不可說故云何亦聞得聞名故所謂常樂我淨以是義故名不聞聞爾時元陽其人一切時眾稽首長跪白天專言如天專所說元陽高貴秘密之義不可得聞云何復言常樂我淨而可得聞何以故天專斷煩惱者名為元陽高貴之品若未斷者名為不得以是義故元陽高貴之品本元今有若世間法本無今有則名元常譬如汝等本元今有已有還元故名元常元陽高貴之品若爾云何說言常樂我淨復次天專凡因莊嚴而得成者悉名元常元陽高貴之品若爾應是元常何等因緣所謂三十六部專經三清秘藏七部真書如是等法皆是成就一切因緣故名元常

復次天專有名元常若元陽高貴之品是有亦應元常如天專言於元始之先說諸妙經皆有變化以是義故名元常復次天專可見之法名為元常如昔所說元陽高貴之品則得斷除一切煩惱復次天專譬如虛空於諸眾生等元障礙故名為常若使元陽高貴是常何故眾生有得有不得元陽高貴若爾於諸眾生不平等者則不名常天專譬如百人共有一怨若害此怨則多人受樂若使元陽高貴是平等法一人得時應多人得一人斷結應多人亦斷若不如是云何名常譬如有人恭敬三寶供養經書事重讚歎展久不憊國王王子父母師長則得利養是不名常元陽高貴亦爾不名為常何以故如天專昔於元始之運演說此經告元陽真人言若有人能恭敬讀誦此經則得斷結受元量樂以是義故名元常天專若於元陽中有常樂我淨者不名為常如其無者云何可說爾時天專告達解真人曰元陽之體非本元今有若元陽之體本元今有者則非元滿常住

之法有無道性相常住以諸眾生煩惱覆故不學真道便謂為元元陽真人以戒定慧勤修其心斷煩惱已便得見之當知真道是常住法非本元今有是故為常善男子如聞室中種種七寶人亦知有聞故不見有智之人善知方便燃大明燈持往照朗皆得元之是人於此終不生念種種七寶本元今有真道亦爾善自有之非始今也煩惱闡故眾生不見大智真人以善方便燃智慧燈令諸大眾得見真道常樂我淨是故智者於此真道不應說言本元今有如是大眾汝言因莊嚴故成真應元常者是亦不然何以故如是大眾真道之體非生非出非實非虛非作業生非是有漏有為之法非聞非見非墮生死非別異相亦非同相非往非還非因非果以是義故真道是常恒不變易是以元量劫中修習善法以自莊嚴皆得了見如是大眾譬如地有八味之水一切眾生而不能得有慧之人用功穿鑿則便得水真道亦爾譬如盲人不能日月良醫療之而能得見如是日月非

是今有真道亦爾昔來有之非在今也善男子如人有罪業之牢獄久乃得出還家得見六親眷屬真道亦爾如是大眾改言因緣故真道之法應無常者是亦不然何以故善男子因有五種何等為五一者生因二者和合因三者住因四者增長因五者遠因云何生因生因者即是種種煩惱種種狐疑及諸草木子是名生因云何和合因如善與善心和合不善與不善心和合無記與不記心能和合是名和合因云何住因如下有住屋則不傾山河樹木因大地故而得住立何有四大无量煩惱眾生得住是名住因云何增長因緣服脫飲食等具故今眾生增長如諸種子火所不燒鳥所不食則得增長如諸道士四眾男女等依於其人善能之者而得增長如因父母子得增長是名增長因云何遠因譬如天專往昔劫時演說此經為諸來生作大因緣所有疑滯皆能除洗是名遠因又如父母血氣為眾生遠因如時節等名為遠因善男子真道之體非如是等五因所成云何

當言是元常因復次善男子復有二因一者作因二者了因何等為作因如陶師輪繩是為作因如燈燭照闇中物是名了因善男子元陽高貴經者不從作因而有唯有了因了因者所謂明了元陽上品深奧義味為諸來生作大舟楫作大橋梁作大因緣作大福田令諸時眾皆得无上正真道果爾時元陽達解真人光妙音稽首上白元始天尊曰既蒙訓誨闡導眾生種種方便種種宣說委曲教化子細讚揚過泰之歡實為无量然由宿滯尚有狐疑不歸早願輕觸靈顏中頭上啓更有諸問天尊未審一切眾生修何功德免離衰憂修何布施可得富饒修何福田可得豐足發何志願可得道真天尊曰如人種樹為得蔭涼為得花果及以材木若人修心心力專精嘿念洞息自然廣作功德布施窮乏貧賤之人慈念眾生恩愛萬物不惜珍寶所營在法修如是行則能深解妙法成於真道能為一切眾生斷除業障善男子譬如有人墮大海水抱持死屍則得度脫真人修无上道

行布施時亦復如是如彼死屍善男子譬如有人閉在深獄門戶堅牢唯有廁孔便從中至元礙處真人修无上道行布施時亦復如是善男子譬如貴人恐怖急危更无恃怙發心願念元陽經者皆得安穩真人修无上道者行於布施亦復如是善男子及諸時眾汝等當知元陽秘藏即是无上正真之道若能按經修行晨夕願念於家別立精舍方丈之室燒香供養積年不退如此精誠皆獲自然之果見世得免憂危煩惱之患爾時元陽真人及諸大眾神仙眷屬七千四百萬眾一時稱善而作偈言

真道體靈妙 至法甚冲玄 秘跡紫微宮  
曜景大羅天 玄都至學士 清虛常自然  
鸞鶴遊碧漢 策鳳往青煙 金闕禮大聖  
玉戶會高賢 元陽時四眾 偶此大因緣  
三清既啓靈 七部已相傳 開發深疑滯  
曉悟普憂煩 一切善男子 皆得淨身回  
道遠四正道 放曠九華巖 蕭聲出雲外  
梵響度風前 偶逢元始運 不謝上皇年

調御天人師 割我恩愛縷 損絕諸疑網  
顯藏遂乃捐 四衆稽首慶 離謝大神仙  
今日蒙開度 願卒大慈憐  
元陽真人及諸時衆說偈都畢一時恭敬作  
禮而去

太上靈寶元陽妙經卷之九

太上靈寶元陽妙經卷之十

昇大羅品

畢

如是我聞一時

天尊在蒲林園中焚華樹下元陽宮中與大  
聖真人大仙道士男女官等百萬人俱前後  
圍繞爾時天尊剋以七月七日昇於大羅上  
宮思惟入定見威神力放大光明雜色青黃  
赤白遍照三千大千世界及至十方虛空邊  
際亦復如是其中所有六趣衆生遇斯光者  
四垢煩惱一切消除是諸衆生見聞是已心  
大憂惱同時舉聲涕泣自相謂言且各裁抑  
莫大愁苦當共疾往詣元陽宮中至天尊所  
頭面著地頂禮勸請天尊莫向大羅住此元  
陽或百年或千載互相執手復作是言世間  
空虛衆生福盡不善諸業增長我等今當速  
往天尊不久即去又作是言世間虛空我等  
從今元有救護无所宗仰貧窮孤靈一旦遠  
離无上天尊設有疑惑當復問誰時有元量  
諸大聖衆真人大仙道士男女官等及諸清  
信士清信女遇見天尊光者其身顛掉乃至

大動不能自持心昏迷悶恍惚无寧爾時復  
有松靈真人光妙真人鬱羅真人等百千萬  
人心得自在所作已辦離諸煩惱調伏諸根  
如大龍王有大威德成就空慧速得已利如  
梅檀林梅檀園遶如師子王師子園遶成就  
如是无量功德一切皆是天尊弟子各於晨  
朝日初出時離常住處手執香鑪過天尊光  
明更相謂言我等宜速澡漱清淨作是言已  
舉身毛豎不能自持涕泣盈目生大苦惱為  
欲利益安樂衆生成就大乘第一空行顯發  
大道方便密教為不斷絕種種說法為諸衆  
生調伏因緣故疾至天尊所稽首尊足圍繞  
百市稽首恭敬却坐一面爾時復有道士男  
官女官男職女職二十四職將領徒衆百千  
萬人等諸派已盡心得自在所作已辦離諸  
煩惱調伏諸根如大龍王有大威德成就空  
慧亦於晨朝日初出時舉身毛豎涕泣盈目  
生大苦惱亦欲利益安樂衆生成就大乘第  
一空行顯發大道方便密教為不斷絕種種  
說法為諸衆生調伏因緣故疾至天尊所稽首